

國立故宮博物院珍藏

清代起居注冊

同治朝 第四冊

國立故宮博物院珍藏

清代起居注冊

同治朝

第四冊

同治元年七月上……	一六二一
同治元年七月下……	一七一三
同治元年八月上……	一八七一
同治元年八月下……	一九八一
同治元年閏八月上……	二〇九五
同治元年閏八月下……	二二一五

清代起居注冊 — 同治朝

(清) 桂清楊等奉敕撰 民國72年 臺北市 聯合報

文化基金會國學文獻館印行 影印本

43冊 21公分

據國立故宮博物院藏手稿本影印

聯經出版事業公司總經銷

I. (清) 桂清楊等奉敕撰

654.78

7436

72

NT \$ 86,000.00

72 · 12 · 0650

· 8900716 ·

清代起居注冊

同治朝第四冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六—二一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治元年歲次壬戌七月初一日壬午

上詣綏履殿

慈安皇太后前請安平安室

慈禧皇太后前請安內閣奉

諭旨戶部奏長蘆撥冊開除含混請旨飭查一摺

據稱咸豐十年七月前任長蘆鹽政寬惠奏准
運庫寄存藩庫銀二十萬五百餘兩一款遵解

天津通州糧臺業經前任直隸總督恆福奏請
造入收支冊內覈銷現因長蘆本年春撥冊內
將新收等項銀四千九百餘兩仍作寄存藩庫
款內開除該部檢查原冊所有十年分轉解糧
臺之款僅據該年分秋撥冊內開除過銀六萬
四千七百餘兩至十一年春秋二撥冊內並未
開除覈計本年春撥冊內之款尚有未開除銀

十三萬二百餘兩冊內開除聲敘各節自相矛盾之處甚多實屬有意含糊又咸豐十年寬惠奏明寄存靜海縣銀一萬六千餘兩經恆福提作北路官兵口糧該年秋撥冊內僅開除四千三百餘兩而天津古北口糧臺各報銷冊內並無收到長蘆一萬六千餘兩之款各等語春秋二季撥冊原為慎重錢糧而設各省欠款專憑

按冊詳稽若如此任意牽混尚復成何事體著
文煜按照該部所指各情逐一詳細查明迅速
覆奏不准稍有迴護並著各直省嗣後撥冊內
管收除在各款務據實造報不得稍有含糊如
有已徵混作未徵未解指稱已解等弊即由戶
部嚴叅懲辦至動用報撥銀兩例應專摺奏明
若僅於冊內聲註即係任意開銷亦著隨時叅

辦以防弊竇而重庫儲

是日

起居注官額勒和布呂朝瑞

初二日

上詣綏履殿

慈安皇太后前請安平安室

慈禧皇太后前請安辰刻

詣觀德殿

几筵前行朝上食禮奠酒

駕進宮居養心殿內閣奉

諭旨此次考取八旗及直省拔貢生徐承煜丁鶴

年李廷俊劉蘭毓戴彬元陳慶祺丁之棧郭恩

第顏崇善侯本杰陳兆奎盧恩溥國紀官陳守

元宋肇伊王倬漢唐炳麟舒鳳騰蕭韶彭錦才

龔承鈞燕起烈高釗中陳琪蕭麟德張肇曾王
籌黃利觀黨吉新吳華年年仁喬吳壽齡趙汝
臣徐會灋唐傳猷趙惇統翟先錄王文在王儼
孫毓琇王賡榮杜瑞凝王遵文史宜右陳鳳書
杜儒林王黼薛煊培李永祺徐芳趙蓉鏡保鑑
晁煒程業修嚴其琛何輔清陳文豪羅惇榮陳
模張琴于繼謙劉有科劉續寵等六十三名著

以七品小京官分部學習鳴謙張延緒謝開
運康乃猷史銘鏞張那鈞叟宿輝王用誥王
其慎張鳳嘉吳文瀚王倬韓賀璠郭承紳方宗
冕曾灼先周純傅顧壽世胡鎮南羅芬羅鳳岡
尹宗綸趙廷澍董世啟孫宗寅范榮光王善澤
朱家桂周貞渠王翱高萬選尹文綸隋聿脩藍
志蓋祁廷杰左廷麟曹和銘任秉鉞董毓涑王

煒高華李德蔭吉燦升張思憲孫海郭泰昇蔡
薰陳華衮邱瑞錦曹文昭胡為黼等五十二名
著以知縣分發試用孫瑞齡沈承先等二名交
與吏部詢問願以教職用者以教職用願以佐
貳等官用者以佐貳等官用是日兵部題黑龍江
打牲鑲黃旗驍騎校蘇卿阿等老病准休可否

給俸奉

諭旨蘇卿阿曾經出兵打仗殺賊捉生受傷著以
原品休致給與原食半俸以養餘年南清阿舒
凌阿巴爾胡善俱著以原品休致不必給俸餘
依議

是日

起居注官延煦章鋈

初三日甲申

上詣綏履殿

慈安皇太后前請安平安室

慈禧皇太后前請安內閣奉

諭旨朕奉

慈安皇太后

慈禧皇太后懿旨前因雲南學政張錫嶸奏請宗祀

文宗顯皇帝於

大饗殿以合孝經明堂之義並附陳宗祀辨疑條說當
交王大臣大學士六部九卿翰詹科道敬謹妥
議嗣據該王大臣等會同議奏以窒礙難行懇
請毋庸置議復以事關典禮理宜倍加詳慎本
日召見惠親王綿愉惇親王奕誼醇郡王奕譞
鍾郡王奕詒孚郡王奕誨禮親王世鐸睿親王
仁壽肅親王華豐順承郡王慶恩軍機大臣文

祥寶璠曹毓瑛御前大臣景壽奕山貝勒載治
貝子載容公載岱大學士賈禎周祖培尚書瑞
常朱鳳標倭什琿布大學士銜尚書祁寯藻尚
書萬青藜綿森大學士銜管理工部事務翁心
存尚書倭仁侍郎張之萬阜保大理寺卿全慶
光祿寺卿潘祖蔭等面加詢問僉稱

文宗顯皇帝德齊覆幬

道隆繼述凡有血氣之倫罔不共切尊崇矧在臣工

渥承

厚澤惟考之今制稽之古禮事多窒礙未可依行等

語仰惟

文宗顯皇帝知禮善述於

御極之初特頒

諭旨嗣後